



## PREDGOVOR

Islamski pedagoški fakultet u Zenici prati dinamičan razvoj odgoja i obrazovanja na akademskom prostoru naše domovine. Ova respektabilna visokoškolska institucija svojim svrešenicima nudi priliku za angažman na prostorima Bosne i Hercegovine, ali i u mnogim Evropskim zemljama.

U oblasti kadrovske politike Islamski pedagoški fakultet bilježi progresivno kretanje i to je najveći potencijal ove institucije. Pet naših uposlenika imaju zvanje vanrednog profesora, pet pet zvanje docenta, dva višeg aistenta i tri asistenta. Islamski pedagoški fakultet je otvoren i za eminentne stručnjake sa drugih univerziteta iz zemlje i inostranstva.

Naši profesori su već prepoznatljivi učesnici u naučno-istraživačkim projektima i stručnim konferencijama kako na lokalnom tako i na međunarodnom nivou.

Od samog osnivanja Islamski pedagoški fakultet ima jasan cilj: **spajanje univerzalnih vrijednosti vjere sa novim dostignućima savremene znanosti.**

Praktični ili primijenjeni islam je naš put. Argumentirati jezikom savremenog doba pozitivne aspekte islama u svakodnevnom životu čovjeka svaremenog doba.

Spajanje pozitivnih tokova tradicije sa zahtjevima vremena formula je uspjeha. Toga su mnogi muslimani danas već duboko svjesni i na taj način prevazilaze *krizu identiteta* o kojoj se u posljednjem desetljeću mnogo govori.

*Islamsko poimanje znanosti, islamsko bankarstvo, institucija prevencije u islamskom pravu, islamska osiguravajuća društva,*

projekti su koji u utiču na svjetske tokove i bude interes akademske javnosti na Zapadu.

Imajući sve ovo u vidu, peti broj Zbornika radova profesora i saradnika Islamskog pedagoškog fakulteta u Zenici predstavlja kvalitetan doprinos savremenim znanstvenim tokovima.

Pred nama su mnogi izazovi i projekti koje namjeravam pokrenuti. Nadam se da ćemo u što skorije vrijeme kvalitetije i našoj instituciji primjerenije definirati nove predmete na našem fakultetu. Islamsko poimanje pedagoške misli (*islamska pedagogija*) rezultat je našeg dugogodišnjeg rada na polju pedagoških i islamskih znanosti. Taj spoj je naš cilj, ali on mora biti utemeljen tako da se o univerzalnim vrijednostima vjere progovori znanstvenim jezikom.

Zenica, decembra 2007. godine

**Prof. dr. sc. Zuhdija Adilović**  
dekan Islamskog pedagoškog fakulteta u Zenici